

Iz ornitološke bilježnice

Hranilište za bjeloglave supove na području općine Stolac

A feeding place for Griffon Vultures in the area of Stolac Municipality:
Members of the NGO «Vidra» from Visoko formed a feeding place for Griffon Vultures in the area of Stolac Municipality.

Članovi udruženja NVO „Vidra“ iz Visokog su formirali hranilište za bjeloglave supove i tako počeli realizaciju projekta «Reintrodukcija bjeloglavog supa u Bosnu i Hercegovinu» kojeg finansira Federalno ministarstvo okoliša i turizma. Cilj pokrenute inicijative je da se postavljanjem više hranilišta na području Hercegovine privuku jedinke koje prelijeću teritorij naše zemlje i pokušaju redovnim prihranjivanjem zadržati do sezone parenja. S obzirom na to da je kolonija u kanjonu Uvca u Republici Srbiji udaljena od bivših gnijezdilišta u Hercegovini oko 150 km, a kolonija na Cresu u Republici Hrvatskoj oko 300 km, realno je očekivati da će hranilišta privući



Slike 1-2. Hranilište za bjeloglave supove na području općine Stolac (Foto:B. Alimanović)

mlade ptice koje budu nadlijetale ove terene. Hranilište se nalazi na području općine Stolac i obilježeno je informativnim tablama. Članovi Udruženja su 30. novembra 2007. godine na hranilište dopremili prvih 500 kg mesnog otpada. U narednom periodu vršit će se redovni monitoring hranilišta. Također, planirano je da se održe edukativni programi među lokalnim stanovništvom.

Ilhan Dervović, NVO „Vidra“ Visoko,
Visočki brigada 35, 71300 Visoko, vidravisoko@hotmail.com